



Hubert Tomaschett (a san.), schef tir da prestaziun, cun Urs Brazerol, il campiuon grischun arma da sport en venter.




Eugen Giger (a san.) e Guido Sgier fan bilantscha dal tir.



Paran d'esser cuntents cun lur resultat: Ignaz Caduff e Silvio Riedi (da san.).



Carl Frischknecht ha persvas e gudagnà il tir arma da militar duas posiziuns.



Ulteriur plaz da podest per Otto Morell.



Danovamain vicecampiuon grischun: Otto Bass.



Sin il podest tar l'occurrènz pistola 50 meters: Guido Zellweger, Elmar Fallet e Ramon Crameri (da san.).

FOTOS G. N. STGIER

Sis novs campiuons grischuns

Tir 300 meters: Campiuonadi grischun

DA GION NUTEGN STGIER / ANR

■ **Paucas giadas è l'occurrènz stada dad uschè gronda tensiun sco sonda passada. Cunzunt sin la distanza da 300 meters è vegnì sajettà piz a cup. En las duas categorias da pistola, qua ha in participant dominà il campiuonadi e quel sa numna Elmar Fallet.** Ils Campiuonadis grischuns da 300 meters e da 25/50 meters èn d'asper il final da gruppas in dals puncts culminants da l'onn per tiradurs e tiraduras. Per ina giada èn las relaziuns stadad fitg bunas al stan da tir Rossboden a Cuira. Tratg las diversas categorias han en tut 130 participants e participantas.

Per l'emprima giada campiuon grischun

Daventà campiuon grischun e quai per l'emprima giada cun l'arma da sport en venter è Urs Brazerol (Farrera). Fatg il fundament per ses success ha el cun las emprimas duas da sis passas cun far 100 e 99 puncts. Il tiradur da la Val Alvra ha gudagnà l'occurrènz cun 586 puncts e battì uschia il favorit Meinrad Monsch (Zezras). Quel ha terminà il tir sco segund cun sajettar 580 puncts. Cumplessiv ha il podest ha lura Michael Johanni (Flerda). Gion Cajochen (Surrein) è vegnì sco 6avel meglier Sursilvan. Cun quella arma defendì ses tetel ha Georg Maurer (Favugn) en la categoria duas posiziuns. El ha tratg 568 puncts, trais puncts dapli che Otto Bass (Rabius), el ch'è vegnì sco avant in onn vicecampiuon grischun. Terz è vegnì Christian Felix (Haldenstein) cun in resultat da 563 puncts.

Victoria per Hans Luzi Stucki

Plain tensiun èn stadad las duas occurrenz cun l'arma da militar. Cun la buis 90 è Hans Luzi Stucki (Valendau) vegnì campiuon grischun e quai gist tar sia emprima participaziun. Il victur dal Tir champester 2017 ha sajettà 560 puncts. Be in punct pli pauc ha tratg David Solèr (Flem), el che tira per l'Uniuon da tir Castrisch. Cun in resultat da 559 puncts è el i a chasa cun la medaglia d'argient. La medaglia da bronz, quella ha retschet Ralph Komminoth (Maiavilla). 5avel è vegnì Johann Peter Capeder (Castrisch). Urs Nauli ha tratg il pli precis cun l'arma da militar 57/03 e scrit a la fin 573 puncts. Gist medem blers ha lura er fatg ses ami d'uniun Norbert Caviezel. Dentant che Nauli ha già 15 culps en mez la schiba ha ses concurrent be già 11 da quels culps perfetgs. Gaudenzio Vincenti (Castasegna) è vegnì terz cun in resultat da 567 puncts. Silvio Riedi (Flond) ha mancà da cuntanscher il terz plaz be per trais puncts. La disciplina arma d'ordonnanza duas posiziuns ha gudagnà Carl Frisch-

knecht (Tumegl), il president da l'Uniuon grischuna da tir. El ha obtegnì 544 puncts, dus dapli che Urs Nauli. Otto Morell (Samedan) è vegnì grazia a ses 541 puncts terz. Robert Studer (Castrisch) ha mancà sco quart da far la medaglia da bronz per trais puncts. Campiuon grischun dals giuvens è vegnì cun l'arma da militar en venter Serafin Wieland (Borgonovo).

Bain en furma

Ina classe per sasez è lura stà Elmar Fallet (Müstair) sin las duas distanzas cun la pistola. Il campiuon svizzer dal 2017 e victur da festa da la Festa da tir chantunala 2018 en Surselva ha gudagnà l'occurrènz da 25 meters ed er quella da 50 meters. Il pur e tiradur para d'esser bain en furma e pront per defender ses tetel da campiuon naziunal en duas emnas a Berna.



Il vicecampiuon arma 90 en venter David Solèr.



Robert Studer en discussiun cun ses figl Robin Studer.